

文淵閣

影印

四庫全書

影印

文淵閣四庫全書

第四〇一冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本冊目次

欽定續通志(一〇)

清

嵇璜
曹仁虎等奉敕撰……………一

欽定四庫全書

史部

欽定續通志卷五百六十八

侍講學士_臣羅國俊覆勘

總校官原任侍講_臣王燕緒

欽定四庫全書

欽定續通志卷五百六十八

隱逸傳

_臣等謹按鄭志云范史始立隱逸傳謂之逸民自晉宋至後魏稱名不同總曰隱逸考新舊唐書及宋金元史皆有隱逸傳惟五代史遼史闕焉今於五代史一行傳中採其人之合於隱逸者補之遼史則仍其闕云

欽定四庫全書

欽定續通志

卷五百六十八

唐

王績

朱桃椎

孫思邈

田游巖

王友貞

王希夷

李元愷

衛大經

武攸緒

白履忠

盧鴻一

吳筠

潘師正

司馬承禎

賀知章

秦系

張志和

陸羽

崔覲

陸龜蒙

王績字無功絳州龍門人性簡放不喜拜揖兄通隋末

大儒也聚徒河汾間倣古作元經按新書本傳云倣古作六經改舊書王勃

傳稱勃祖通依春秋體例自獲麟後至後魏著紀年之書謂之元經無作六經之說今據改又為中

說以擬論語通知績誕縱不嬰以家事鄉族慶弔冠昏

不與也與李播呂才善大業中舉孝悌廉潔授祕書省

正字不樂在朝求為六合丞嗜酒不任事時天下已亂

因劾遂解去歎曰網羅在天吾且安之乃還鄉里有田

十六頃在河渚間仲長子光者舊書作仲長子先亦隱者也無

欽定四庫全書

欽定四庫全書
卷五百六十八

妻子結廬北渚凡三十年非其力不食績愛其貞徒與

相近子光瘖未嘗交語與對酌酒懽甚績有奴婢數人

種黍春秋釀酒養鳬鴈蒔藥草自供以周易老子莊子

置牀頭他書罕讀也欲見兄弟輒渡河還家游北山東

臯著書自號東臯子乘牛經酒肆留或數日高祖武德

初以前官待詔門下省故事官給酒日三升或問待詔

何樂耶答曰良醞可戀耳侍中陳叔達聞之日給一斗

時稱斗酒學士貞觀初以疾罷復調有司時太樂署史

焦革家善釀績求為丞吏部以非流不許績固請曰有

深意竟除之革死妻送酒不絕歲餘又死績曰天不使

我酣美酒邪棄官去自是太樂丞為清職追述革酒法

為經又采杜康儀狄以來善酒者為譜李淳風曰君酒

家南董也所居東南有盤石立杜康祠祭之尊為師以

革配著醉鄉記以次劉伶酒德頌其飲至五斗不亂人

有以酒邀者無貴賤輒往著五斗先生傳刺史崔喜悅

之請相見答曰奈何坐台嚴君平邪卒不詣杜之松故

欽定四庫全書

欽定四庫全書
卷五百六十八

人也為刺史請績講禮答曰吾不能揖讓邦君門談糟

粕棄醇醪也之松歲時贈以酒脯初兄凝為隋著作郎

撰隋書未成績績餘功亦不能成貞觀十八年豫知終

日命薄葬自誌其墓而卒

朱桃椎益州成都人澹泊絕俗被裘曳索人莫測其所

為長史竇軌見之遺以衣服鹿幘鹿鞞逼署鄉正委之

地不肯服更結廬山中夏則羸冬緝木皮葉自蔽贈遺

無所受嘗織十芒屨置道上見者曰居士屨也為鬻米

茗易之置其處輒取去終不與人接其為屬草柔細環結促密人爭躡之高士廉為長史備禮以請降階與之語不答瞪視而出士廉拜曰祭酒其使我以無事治蜀邪乃簡條目薄賦斂州大治屢遣人存問見輒走林草自匿云

孫思邈京兆華原人通百家說善言老莊周洛州總管獨孤信見其少異之曰聖童也顧器大難為用爾及長居太白山隋文帝輔政以國子博士召不拜密語人曰

欽定四庫全書

欽定續通志
卷五百六十八

四

後五十年有聖人出吾且助之太宗初召詣京師年已老而聽視聰瞭帝嘆曰有道者欲官之不受顯慶中復召見拜諫議大夫固辭上元元年稱疾還山高宗賜良馬假鄱陽公主邑司以居之思邈於陰陽推步醫藥無不善孟詵盧照鄰等師事之照鄰有惡疾不可為感而問曰高醫愈疾奈何答曰天有四時五行寒暑迭居和為雨怒為風凝為雪霜張為虹霓天常數也人之四支五藏一覺一寐吐納往來流為榮衛章為氣色發為音

聲人常數也陽用其形陰用其精天人所同也失則蒸生熱否生寒結為瘤贅陷為癰疽奔則喘乏竭則焦槁發乎面動乎形天地亦然五緯縮贏孛彗飛流其危診也寒暑不時其蒸否也石立土踊是其瘤贅山崩土陷是其癰疽奔風暴雨其喘乏川瀆竭涸其焦槁高醫導以藥石救以砭劑聖人和以至德輔以人事故體有可愈之疾天有可振之災照鄰曰人事奈何曰心為之君君尚恭故欲小詩曰如臨深淵如履薄冰小之謂也膽

欽定四庫全書

欽定續通志
卷五百六十八

五

為之將以果決為務故欲大詩曰赳赳武夫公侯干城大之謂也仁者靜地之象故欲方傳曰不為利回不為義疚方之謂也智者動天之象故欲圓易曰見幾而作不俟終日圓之謂也復問養性之要答曰天有盈虛人有屯危不自慎不能濟也故養性必先知自慎也慎以畏為本故士無畏則簡仁義農無畏則惰稼穡工無畏則慢規矩商無畏則貨不殖子無畏則忘孝父無畏則廢慈臣無畏則勲不立君無畏則亂不治是以太上畏

道其次畏天其次畏物其次畏人其次畏身憂於身者不拘於人畏於已者不制於彼慎於小者不懼於大戒於近者不侮於遠知此則人事畢矣初魏徵等修齊梁周隋等五家史屢咨所遺其傳最詳永淳初卒年百餘歲遺令薄葬不藏明器祭去牲牢孫處約常以諸子見思邈曰俊先顯有晚貴佞禍在執兵後皆驗太子詹事盧齊卿之少也思邈曰後五十年位方伯吾孫為屬吏願自愛時思邈之孫溥尚未生及溥為蕭丞而齊卿徐

欽定四庫全書

欽定續通志
卷五百六十八

州刺史

田游巖京兆三原人永徽時補太學生罷歸入太白山母及妻皆有方外志與共棲遲山水間自蜀歷荆楚愛夷陵青溪止廬其側長史李安期表其才召赴京師辭疾入箕山居許由祠旁自稱許由東隣頻召不出高宗幸嵩山遣中書侍郎薛元超就問其母賜藥物絮帛帝親至其門游巖野服出拜儀止謹樸帝令左右扶止之謂曰先生比佳否答曰臣所謂泉石膏肓烟霞痼疾者

帝曰朕得卿何異漢獲四皓乎薛元超贊帝曰漢欲廢嫡立庶故四人者為出豈如陛下親降巖穴和帝悅因敕游巖將家屬乘傳赴都拜崇文館學士帝嘗奉天宮游巖舊宅直宮左詔不聽毀天子自書榜其門曰隱士田游巖宅進太子洗馬裴炎死坐素厚善放還山蠶衣耕食不交當世惟與韓法昭宋之問為方外友云

按新書此

欽定四庫全書

欽定續通志
卷五百六十八

不可離手然本傳稱其居官頗刻故不當入隱逸傳今併刪

王友貞懷州河內人父知敬善書隸武后時仕為麟臺少監友貞少為司經局正字母病醫言得人肉啖良已友貞剔股以進母疾愈詔旌表其門素好學訓誨子弟如嚴君口不語人過重然諾時以為君子歷長水令罷歸中宗在東宮召為司議郎不就神龍初以太子中舍人徵固辭疾詔給全祿終身州縣存問玄宗在東宮表請以蒲車召不至卒年九十九贈銀青光祿大夫

王希夷徐州滕人家貧父母喪為人牧羊取傭以葬隱嵩山師黃頤學養生四十年頤卒更居兗州徂徠與劉玄博友善喜讀周易老子餌松柏葉雜華年七十餘筋力柔強刺史盧齊卿就謁問政答曰已所不欲勿施於人此言足矣玄宗東巡狩詔州縣敦勸見行在時九十六帝令張說訪以政事宦官扶入宮與語甚悅拜國子博士聽還山敕州縣春秋致束帛酒肉仍賜絹百衣一稱

欽定四庫全書

欽定續通志
卷五百六十八

李元愷邢州人博學善天文律歷性恭慎口不言人過宋璟嘗師之既當國將薦之朝拒不答洺州刺史元行冲邀致之問經義畢贈衣服辭曰吾軀不可服新麗懼不稱以速咎也行冲垢巖復與之不獲已而受及還乃以已之所蠶素絲五兩酬行冲曰義不受無妄財也先是定州崔元鑒善禮學用張易之力授朝散大夫家居給半祿元愷謂曰無功而祿災也卒年八十餘

衛大經蒲州解人卓然高行口無二言武后時召之固

辭疾素善魏夏侯乾童聞其母卒盛暑步往弔或止之曰方夏涉遠不如致書答曰書能盡意邪比至乾童以事行乃設席行弔禮不訊其家而還開元初畢構為刺史使縣令孔慎言就謁辭不見大經遽於易人謂之易聖豫筮死日鑿墓自為誌如言終

武攸緒則天皇后兄惟良子也恬淡寡欲好易莊周書少變姓名賣卜長安市得錢輒委去後更授太子通事舍人累遷揚州大都督府長史鴻臚少卿后革命封安

欽定四庫全書

欽定續通志
卷五百六十八

九

平郡王從封中岳固辭官願隱居后疑其詐許之以觀所為攸緒廬巖下如素遁者后遣其兄攸宜敦諭卒不起后乃異之盤桓龍門少室間冬蔽茅椒夏居石室所賜金銀錙兩野服王公所遺鹿裘素障瘳栢塵皆流積不御也市田潁陽使家奴雜作自混於民晚年曠有紫光晝能見星中宗初降封巢國公遣國子司業杜慎盈齋書以安車召拜太子賓客苦祈還山詔可安樂公主出降又遣通事舍人李邈以璽書迎之將至帝敕有司

即兩儀殿設位行問道禮召見日山帔葛巾不名不拜
攸緒至更冠帶仗入通事舍人贊就位攸緒趨就常班
再拜帝愕然禮不及行朝廷歎息賜予無所受親貴來
謁道寒溫外默無所言及還中書門下學士朝官五品
以上並祖城外俄而諸章誅武氏連禍惟攸緒不及睿
宗恐其不自安下詔慰諭復召拜太子賓客不就譙王
重福之亂攸緒以誣被繫張說表置廬山中書令姚元
崇奏攸緒在武后時未嘗輒出今州縣逼遣士為驚嗟
願詔賜嵩山舊居令州縣存問詔可開元十一年卒
白履忠汴州浚儀人貫知文史居古大梁城時號梁丘
子景雲中召為校書郎棄官去開元十年刑部尚書王
志愔薦履忠博學守操可代褚無量馬懷素入閣侍讀
十七年國子祭酒楊瑒又表其賢召赴京師辭病老不
任職詔拜朝散大夫乞還手詔許游京師徐返里閭履
忠留數月乃去吳兢其里人也謂曰子素貧不霑斗米
匹帛雖得五品亦何益履忠曰往契丹入侵家取排門

夫吾以讀書縣為免今終身高卧寬徭役豈易得哉
盧鴻一按新書作盧鴻脫一字今據舊書增字浩然按新書作穎然今據舊書改其先
幽州范陽人徙洛陽博學善書籀廬嵩山當開元初備
禮再徵不至五年復詔有司齎束帛徵之鴻一至東都
謁見不拜宰相遣通事舍人問狀答曰禮者忠信之薄
臣敢以忠信見帝召升內殿置酒拜諫議大夫固辭復
下制許還山歲給米百斛絹五十府縣為致其家朝廷
得失其以狀聞將行賜隱居服官營草堂恩禮殊渥鴻
一至山中廣學廬聚徒至五百人所居室自號寧極云
吳筠字貞節華州華陰人通經義美文辭舉進士不中
性高鯁不耐沈浮於時去居南陽天寶初召至京師請
隸道士籍乃入嵩山依潘師正究其術南游天台與有
名士相娛樂文辭傳京師玄宗遣使召見大同殿與語
甚悅敕待詔翰林獻玄綱三篇帝嘗問道對曰深於道
者無如老子其餘徒喪紙札耳復問神仙冶鍊法對曰
此野人事積歲月求之非人主所宜留意筠每開陳皆

名教世務天子重之羣沙門嫉其見遇而高力士素事浮屠共短筠于帝筠亦知天下將亂懇求還嵩山不許詔為立道館安祿山欲稱兵乃還茅山而西京陷江淮盜賊起因東入會稽剡中與李白孔巢父詩篇酬和大歷十三年卒弟子私謚為宗元先生

潘師正貝州宗城人

舊書作趙州贊皇人

少喪母廬墓以孝聞事

王遠知為道士得其術居逍遙谷高宗幸東都召見問

所須對曰茂松清泉臣所須也既不乏矣帝尊異之詔

欽定四庫全書

欽定續通志

卷五百六十八

十三

即其廬作崇唐觀及營奉天宮又敕直逍遙谷作門曰

仙游北曰尋真時太常獻新樂帝更名祈仙望仙翹仙

曲卒年九十八贈太中大夫謚體玄先生

按新書此下有劉道合附

傳載其祈晴作丹劑二事殊無足錄今刪

司馬承禎字子微洛州溫人少好學薄于為吏遂從潘

師正學辟穀導引術無不通師正異之曰我得陶隱居

正一法逮而四世矣因辭去徧游名山廬天台不出武

后嘗召之未幾去景雲二年睿宗復命其兄承禕就起

之既至引入掖廷問其術對曰為道日損損之又損以

至於無為夫心目所知見每損之尚不能已况攻異端

而增智慮哉帝曰治身則爾治國若何對曰國猶身也

故遊心於淡合氣於漠與物自然無私焉而天下治

帝嗟味曰廣成之言也錫寶琴霞紋帔還之開元中再

被召至都玄宗詔于王屋山置壇室以居善篆隸帝命

以三體寫老子刊正文句又命玉真公主及光祿卿韋

綰至所居按金錄設祠厚賜焉卒年八十九贈銀青光

欽定四庫全書

欽定續通志

卷五百六十八

十三

祿大夫謚貞一先生親文其碑

賀知章字季真越州永興人性曠夷善談說與族姑子

陸象先善象先嘗謂人曰季真清談風流吾一日不見

則鄙吝生矣則天證聖初擢進士超拔羣類科累遷太

常博士張說為麗正殿修書使表知章及徐堅趙冬曦

入院撰六典等書開元十三年遷禮部侍郎兼集賢院

學士一日併謝宰相源乾曜語說曰學士侍郎孰為美

說曰侍郎衣冠之選然要為具員吏學士懷先王之道

經緯之文然後處之此其為間也玄宗自為贊賜之選
太子右庶子充侍讀申王薨詔選挽郎而知章取舍不
平蔭子宣訴不能止知章梯牆出首以決事人皆斫之
坐徙工部肅宗為太子知章遷賓客授祕書監晚節尤
誕放遨嬉里巷自號四明狂客及祕書外監每醉輒屬
辭筆不停書咸有可觀未始刊飭善草隸好事者具筆
研從之意有所愜不復拒然紙纔數十字世傳以為寶
天寶初病乃請為道士還鄉里詔許之以宅為千秋觀

欽定四庫全書

欽定四庫全書
卷五百六十八

十四

而居又求周宮湖數頃為放生池有詔賜鏡湖剡川一
曲既行帝賜詩皇太子百官餞送擢其子僧子為會稽
郡司馬賜緋魚使侍養幼子亦聽為道士卒年八十六
肅宗乾元初以雅舊贈禮部尚書

秦系字公緒越州會稽人天寶末避亂剡溪北都留守
薛蕙訓奏為右衛率府倉曹參軍不就客泉州南安結
廬九日山穴石為研注老子彌年不出刺史薛播數往
見之歲時致羊酒而系未嘗至城門姜公輔之謫見系

輒窮日不能去築室與相近忘流落之苦公輔卒妻子
在遠系為葬山下張建封聞系之不可致請就加校書
郎與劉長卿善以詩相贈答權德輿曰長卿自以為五
言長城系用偏師攻之雖老益壯其後東度秣陵年八
十餘卒南安人思之號其山為高士峯云

張志和字子同婺州金華人始名龜齡父游朝通莊列
二子書為象罔白馬證諸篇佐其說母夢楓生腹上而
產志和十六擢明經以策干肅宗特見賞重命待詔翰

欽定四庫全書

欽定四庫全書
卷五百六十八

十五

林授左金吾衛錄事參軍因賜名後坐事貶南浦尉會
赦還以親既喪不復仕居江湖自稱烟波釣徒著玄真
子亦以自號有韋諱者為撰內解志和又著太易十五
篇其卦三百六十五兄鶴齡恐其遁世不還為築室越
州東郭茨以生草椽棟不施斤斧豹席樸屨每垂釣不
設餌志不在魚也縣令使浚渠執畚無忤色嘗欲以大
布製裘嫂為躬績織及成衣之雖暑不解觀察使陳少
游往見為終日留表其居曰玄真坊以門隘為買地大

其閤號回軒巷先是門阻流水無梁少游為構之人號大夫橋帝嘗賜奴婢各一志和配為夫婦號漁童樵青陸羽嘗問孰為往來者對曰太虛為室明月為燭與四海諸公共處未嘗少別也何有往來顏真卿為湖州刺史志和來謁真卿以舟敝漏請更之志和曰願為浮家泛宅往來苕霅間辯捷類如此善圖山水酒酣或擊鼓吹笛紙筆輒成嘗撰漁歌憲宗圖其真求之不能致李德裕稱志和隱而有名顯而無事不窮不達嚴光之比

云按新書此下有孔述魯及子敏行傳今改入孔氏後裔傳

陸羽字鴻漸一名疾字季疵復州竟陵人不知所生或言有僧得諸水濱撫之既長以易自筮得蹇之漸曰鴻漸于陸其羽可用為儀乃以陸為氏名而字之幼時其師教以旁行書答曰終鮮兄弟而絕後嗣得為孝乎師怒使執糞除圻塤以苦之又使牧牛羽潛以竹畫牛背為字得張衡南都賦不能讀危坐效羣兒囁嚅若成誦狀師拘之令雜草莽當其記文字惛惛若有遺過日不

作主者鞭苦因歎曰歲月往矣奈何不知書嗚咽不自勝因亡去匿為優人作詼諧數千言天寶中州人酺吏署羽伶師太守李齊物見異之授以書遂廬火門山貌悅陋口吃而辯聞人善若在己見有過者規切至忤人朋友燕處意有所行輒去人疑其多嗔與人期雨雪虎狼不避也上元初更隱苕溪自稱桑苧翁闔門著書或獨行野中誦詩擊木裴回不得意或慟哭而歸久之詔拜羽太子文學徙太常寺太祝不就職貞元末卒羽嗜茶著經三篇言茶之原之法之具尤備天下蓋知飲茶矣時鬻茶者至陶羽形置煬突間祀為茶神有常伯熊者因羽論復廣著茶之功御史大夫李季卿宣慰江南次臨淮知伯熊善煮茶召之伯熊執器前季卿為再舉杯至江南又有薦羽者召之羽衣野服挈具而入季卿不為禮羽愧之更著毀茶論其後尚茶成風時回紇入朝始驅馬市茶

崔觀梁州城固人以儒自業身耕耨取給老無子乃以

田宅財貲分給奴婢而身與妻隱南山山南西道節度使鄭餘度辟為參謀敦趣就職不曉吏事餘慶稱長者文宗時左補闕王直方其里中人也上書論事見便殿帝訪遺逸直方薦觀高行詔以起居郎召辭疾不至陸龜蒙字魯望元方七世孫也父賓虞以文歷侍御史龜蒙少高放通六經大義尤明春秋舉進士一不中往從湖州刺史張搏游搏歷湖蘇二州辟以自佐嘗至饒州三日無所詣刺史蔡京率官屬就見之龜蒙不樂拂

欽定四庫全書

欽定四庫全書

卷五百六十八

十六

衣去居松江甫里多所論撰雖幽憂疾痛貲無十日計不少輟也文成竄棄篋中或歷年不省為好事者盜去得書熟誦乃錄讐比勤勤朱黃不去手所藏雖少其精皆可傳借人書篇帙壞舛必為輯禰刊正樂聞人學講論不倦有田數百畝屋三十楹田苦下雨潦則與江通故常苦飢身畚鍤蒔刺無休時或譏其勞答曰堯舜微瘠禹胼胝彼聖人也吾一褐衣敢不勤乎嗜茶置園顧渚山下歲取茶租自判品第張又新為水說七種其二

慧山泉三虎丘井六松江人助其好者雖百里為致之初病酒再葺乃已其後客至絜壺置杯不復飲不喜與流俗交雖造門不肯見不乘馬升舟設蓬席齋束書茶竈筆牀釣具往來時謂江湖散人或號天隨子甫里先生後以高士召不至李蔚盧攜素與善及當國召拜左拾遺詔方下卒光化中章莊表龜蒙及孟郊等十人皆贈右補闕陸氏在姑蘇其門有巨石遠祖績嘗事吳為鬱林太守罷歸無裝舟輕不可越海取石為重人稱其

欽定四庫全書

欽定四庫全書

卷五百六十八

十九

廉號鬱林石世保其居云

五代

鄭遨

張薦明

鄭遨字雲叟滑州白馬人避後唐明宗祖廟諱以字行少好學敏于文辭唐昭宗時舉進士不中見天下已亂欲攜其妻子與俱隱其妻不從遨乃入少室山為道士其妻數以書勸遨還家輒投之於火後聞其妻子卒一慟而止遨與李振故善振後事梁貴顯欲祿遨邀不顧

後振得罪南竄邀徒步千里往視之由是聞者益高其
行其後邀聞華山有五粒松脂淪入地千年化為藥能
去三尸因徙居華陰欲求之與道士李道殷羅隱之友
善世目為三高士邀種田隱之賣藥以自給道殷有釣
魚術釣而不餌又能化石為金邀嘗驗其信然而不之
求也節度使劉遂凝數以寶貨遺之邀一不受唐明宗
時以左拾遺晉高祖時以諫議大夫召之皆不起即賜
號為逍遙先生天福四年卒邀好飲酒奕棋時時為詩
欽定四庫全書

欽定續通志

卷五百六十八

三

其形翫于屋壁

張薦明燕人少以儒學遊河朔後去為道士通老子莊
周之說晉高祖召見問道家可以治國乎對曰道也者
妙萬物而為言得其極者尸居衽席之間可以治天下
也高祖大其言延入內殿講道德經拜以為師薦明聞
宮中奏時鼓曰陛下聞鼓乎其聲一而已五音十二律
鼓無一焉然和之者鼓也夫一萬事之本也能守一者

可以治天下高祖善之賜號通玄先生後不知其所終

欽定四庫全書

欽定續通志

卷五百六十八

三

欽定續通志卷五百六十八

欽定四庫全書

欽定續通志卷五百六十九

隱逸傳

宋

戚同文

楊慤
張昉

宗翼
滕知白

陳搏

种放

萬適
楊璞

李瀆

魏野

邢敦

林逋

高懌

韓退

徐復

何羣

欽定四庫全書

欽定續通志
卷五百六十九

戚同文字同文宋之楚丘人世為儒幼孤祖母攜育於

外氏奉養以孝聞祖母卒晝夜哀號不食數日鄉里為

之感動始聞邑人楊慤教授生徒日過其學舍因授禮

記隨即成誦日諷一卷慤異而留之不終歲畢誦五經

慤即妻以女弟自是益勤勵時晉末喪亂絕意祿仕且

思見混一遂以同文為名字慤嘗勉之仕同文曰長者不

仕同文亦不仕慤依將軍趙直遇疾不起以家事託同

文即為葬三世直厚加禮待為築室聚徒請益之人不

遠千里而至登第者五六十人宗度許驥陳象與高象

先郭成範王礪滕涉皆踐臺閣同文純質尚信守義人

有喪者力拯濟之宗族間里貧乏者周給之冬月多解

衣裘與寒者不積財不營居室或勉之輒曰人生以義

為貴焉用此為由是深為鄉里推服有不循孝悌者同

文必諭以善道頗有知人鑒所與遊皆一時名士樂聞

人善未嘗言人短與宗翼張昉滕知白為友生平不至

京師長子維任隨州書記迎同文就養卒於漢東好為

欽定四庫全書

欽定續通志
卷五百六十九

詩有孟諸集二十卷楊徽之嘗因使至郡一見相善多

與酬唱徽之嘗云陶隱居號貞白先生先生純粹質直

以道義自富遂與其門人追號貞素先生二子維綸維

果官職方郎中致仕綸自有傳楊慤者虞城人力學勤

志不求聞達宗翼者蔡州上蔡人父為虞城主簿因家

焉篤孝恭謹負米養母好學彊記經籍一見即能默寫

書得歐陽虞柳楷法能屬文隱而不仕家無斗粟怡怡

如也未嘗以貧窶干人市物不評價市人知而不欺同

文嘗謂翼曰子勞謙有古人風真吾友也以壽終子度
舉進士至侍御史京西轉運使張昉有史材至殿中少
監致仕子信自有傳滕知白善為詩至刑部員外郎河
北轉運使子涉為給事中高象先父凝祐刑部郎中以
疆幹稱象先至光祿少卿郭成範最有文終司封員外
郎致仕王礪事母甚謹太平興國五年進士至屯田郎
中子渙瀆淵冲泳渙子稷臣瀆子堯臣並進士及第渙
子夢臣進士出身

欽定四庫全書

欽定續通志
卷五百六十九

三

陳搏字圖南亳州真源人始四五歲戲渴水岸側有青
衣媪乳之自是聰悟日益及長讀經史百家之言一見
成誦悉無遺忘頗以詩名後唐長興中舉進士不第遂
不求祿仕以山水為樂居武當山九室巖服氣辟穀歷
二十餘年但日飲酒數杯移居華山雲臺觀又止少華
石室每寢處多百餘日不起周世宗好黃白術有以搏
名聞者顯德三年命華州送至闕下留止禁中月餘從
容問其術搏對曰陛下為四海之主當以致治為念泰

何留意黃白之事乎世宗不之責命為諫議大夫固辭
不受既知其無他術放還詔本州長吏歲時存問五年
成州刺史朱憲陞辭赴任世宗令齋茶帛賜搏按朱子
名臣言
行錄云周世宗賜號白雲先生宋史本傳不載嘗乘白驢欲入汴聞太祖即位
大笑墜驢曰天下於是定矣太平興國初應召赴闕按宋
史本傳作來朝不言被召致朱子名臣言行錄云太宗
召赴闕賜詩云曾向前朝出白雲後來消息杳無聞如
今若肯隨微名總把三拳乞與君則搏之赴闕實應召
也東都事畧亦稱召至闕今據改又按太平興國初本
傳作太平興國中今據名臣言行錄改
太宗待之甚厚太平興國九年十

欽定四庫全書

欽定續通志
卷五百六十九

四

月按宋史太宗本紀太平興國九年十月改元
雍熙太平興國九年即雍熙元年也復至闕帝益
加禮重謂宰相宋琪等曰搏獨善其身不干勢利所謂
方外之士也因遣中使送至中書琪等從容問曰先生
脩養之道可以教人乎對曰搏不知吐納養生之理假
令白日冲天亦何益於治今天子博達古今深究治亂
真有道仁聖之主也正是君臣協心同德興化致治之
秋勤行修煉無出於此琪等稱善以其語聞帝益重之
賜號希夷先生仍賜紫衣一襲留數月令有司增葺所